



**BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
DOM NARODA**

Ustavno-pravna komisija

Broj: 02/1-011-1223/03

Sarajevo: 9.9.2003.

Z A P I S N I K

**Desete radne sjednice Ustavno-pravne komisije Doma naroda Parlamentarne skupštine
Bosne i Hercegovine, održane 9.9.2003.god.**

Sjednica je počela sa radom u 10: 00 sati.

Sjednici su nazočni bili članovi komisije: Ilija Filipović, Tomislav Limov, Hilmo Neimarlija, Nade Radović, Boško Šiljegović i Halid Genjac. Sjednicom je predsjedavao predsjedatelj Komisije Ilija Filipović.

Pored članova komisije sjednici su nazočni bili: savjetnik u Predsjedništvu BiH Anto Grbić, pomoćnici ministra u Ministarstvu za ljudska prava i izbjeglice BiH Mario Nenadić i Rusmira Tihic Kadrić, zamjenik direktora direkcije za civilno zrakoplovstvo Hasečić Dževad, stručni savjetnik u Ministarstvu prometa i komunikacija BiH Šečić Ismet i tajnik Ustavno-pravne komisije Doma naroda Aljoša Čampara.

Za sjednicu je predložen i jednoglasno usvojen sljedeći

D N E V N I R E D :

1. Usvajanje Zapisnika s 8. i 9. sjednice Ustavno-pravne komisije Doma naroda;
2. Prijedlog zakona o slobodi vjera i pravnom položaju crkava i vjerskih zajednica u Bosni i Hercegovini – predlagatelj Vijeće ministara BiH;
3. Prijedlog zakona o sudskim taksama u postupku pred Sudom BiH – predlagatelj Vijeće ministara BiH;
4. Prijedlog zakona o izmjenama i dopunama zakona o izbjeglicama iz BiH i raseljenim osobama u BiH – predlagatelj Vijeće ministara BiH;
5. Prijedlog zakona o zrakoplovstvu u BiH – predlagatelj Vijeće ministara BiH;
6. Prijedlog zakona o izmjenama i dopunama zakona o državljanstvu BiH – predlagatelj Zastupnički dom;
7. Prijedlog odluke o ratifikaciji Konvencije o priznavanju kvalifikacija iz visokog obrazovanja u europskom regionu, sačinjen 11.4.1997.godine u Lisabonu – predlagatelj Predsjedništvo BiH;
8. Informacija o iseljeništvu BiH – predlagatelj Vijeće ministara BiH

9. Tekuća pitanja.

Ad.1. Usvajanje Zapisnika 8. i 9. sjednice Ustavno-pravne komisije Doma naroda

Primjedbi na zapisnik 8. i 9. sjednice nije bilo, te je Komisija jednoglasno prihvatila zapisnike.

Ad.2. Prijedlog zakona o slobodi vjera i pravnom položaju crkava i vjerskih zajednica u Bosni I Hercegovini

Članovima Komisije u ime predlagatelja se obrati Mario Nenadić, pomoćnik ministra i obrazložio ustavni osnov za donošenje ovog zakona. Članovi komisije su jednoglasno prihvatili da navedeni zakon ima ustavni osnov, te sukladno poslovničkim odredbama dostavljaju ga u dalju parlamentarnu proceduru.

Ad.3. Prijedlog zakona o sudskim taksama u postupku pred Sudom BiH

Ustavno-pravna komisija Doma naroda Parlamentarne skupštine BiH je jednoglasno prihvatila da je navedeni zakon u skladu sa Ustavom BiH, te ga upućuje u dalju parlamentarnu proceduru.

Ad.4. Prijedlog zakona o izmjenama i dopunama zakona o izbjeglicama iz BiH i raseljenim osobama u BiH

Članovima Komisije u ime predlagatelja obratio se Mario Nenadić, pomoćnik ministra u Ministarstvu za ljudska prava i izbjeglice BiH, te obrazložio ustavni osnov za donošenje ovog zakona. U raspravi niko nije učestvovao. Komisija je jednoglasno prihvatila da je navedeni zakon u skladu sa Ustavom BiH, tj. da postoji ustavni osnov za donošenje ovog zakona, te ga upućuje u dalju parlamentarnu.

Ad.5. Prijedlog zakona o zrakoplovstvu u BiH

U ime predlagatelja, članovima Komisije se obratio zamjenik direktora direkcije za civilno zrakoplovstvo Hasečić Dževad i obrazložio ustavni osnov za donošenje ovog zakona. Komisija je jednoglasno prihvatila da postoji ustavni osnov za donošenje ovog zakona te ga upućuje u dalju parlamentarnu proceduru.

Ad.6. Prijedlog zakona o izmjenama i dopunama zakona o državljanstvu BiH

Članovi Komisije su jednoglasno prihvatili da postoji ustavni osnov za donošenje ovog zakona.

Ad.7. Prijedlog odluke o ratifikaciji Konvencije o priznavanju kvalifikacija iz visokog obrazovanja u europskom regionu, sačinjen 11.4.1997. godine u Lisabon

U ime predlagatelja članovima Komisije se obratio savjetnik u Predsjedništvu BiH, Anto Grbić. Komisija je jednoglasno prihvatila Prijedlog odluke i preporučuje Domu naroda da da suglasnost za ratificiranje iste.

Ad.8. Informacija o iseljeništvu BiH

Uvodno izlaganje vezano za Informaciju o iseljeništvu podnijela je pomoćnik ministra u Ministarstvu za ljudska prava i izbjeglice BiH, Rusmira Tihić Kadrić. Svi članovi Komisije su učestvovali u raspravi. Komisija je prihvatila Informaciju uz preporuku da Dom naroda prihvati istu uz sljedeće zaključke:

1. Da resorno ministarstvo odredi predlagatelja koji će na sjednici Doma naroda podrobnije upoznati izaslanike sa problematikom iseljeništva;
2. Da se do kraja godine pripremi strategija za povratak iseljenika iz BiH, kao i da se uspostave čvršći mehanizmi koji će raditi na uspostavi veze između institucija BiH i BH dijaspori;
3. Da se što skorije uspostavi satelitski program kako bi BH iseljenici mogli biti što bolje informirani o situaciju u zemlji;
4. Da se u programu rada Parlamentarne skupštine oba doma uključi uspostavljanje parlamentarnih delegacija koje će odlaziti u posjete BH dijaspori;
5. Da diplomatsko-konzularna predstavništva BiH putem MIP što preciznije i podrobnije obavještavaju BH Parlament o iseljeništvu BiH i
6. Da se što češće pripremaju Informacije o iseljeništvu BiH koje će razmatrati Parlamentarna skupština BiH.

Ad.9. Tekuća pitanja

Pod tekućim pitanjima predsjedatelj Ustavno-pravne komisije Doma naroda obavjestio je članove Komisije o sljedećem:

1. Predsjedatelj Komisije je obavjestio članove komisije da je pripremljeno izvješće o radu komisije za prvih devet sjednica Komisije i da ukoliko niko više nema primjedbi na isto, da će se ono naći na sjednici Doma naroda;
2. Predsjedatelj je obavjestio članove Komisije da je u dogovoru sa zamjenicima predsjedatelja Ustavno-pravne komisije zaključio da se prijedlozi zaključaka Tomislava Limova sa 11. sjednice Doma naroda prvo raspravljaju na klubovima naroda, a onda na Ustavno-pravnoj komisiji;
3. Predsjedatelj je upoznao i članove komisije da će zajedno sa predsjedateljem Ustavno-pravne komisije Zastupničkog doma, sukladno zaključku sa 11. sjednice Doma naroda organizirati sastanak sa Izbornom komisijom BiH;
4. Predsjedatelj je upoznao i članove komisije da je od Kantona Sarajevo došla informacija o "Centru Skenderija" u kojoj se kaže da se cijeli slučaj još uvijek razmatra te da ćemo o svemu biti naknadno obavješteni;
5. Predsjedatelj je upoznao članove komisije da će na upit Kantonalnog ministarstva poljoprivrede Kantona Tuzla vezano za Zakon o zadrugama BiH, tajništvo obje Ustavno-pravne komisije oba doma uputiti odgovor i
6. Predsjedatelj Ustavno-pravne komisije je još obavjestio članove komisije o prispjelom pismu vezano za uspostavu Visokog sudbenog i tužiteljskog vijeća na nivou BiH u kome se traži od članova komisije ukoliko ima potrebe da se povjerenstvo za pripremu nacta o uspostavi Vijeća sastane sa članovima komisije.

Komisija je završila sa radom u 12:00 sati.

Tajnik komisije
Dipl.iur. Aljoša Čampara v.r.

Predsjedatelj komisije
Ilija Filipović dipl.iur. - v.r.